

Beassášmuitalus

Go Jesus šattai rávisolmmožin, son jođii viidát ovttas iežas máhttájeddjiiguin. Son háliidii mitalit buohkaide geaid deaivvai, lpmila birra ja olbmot galge eallit ja veahkehit guđet guoimmi. Don maid háliidat buohkaide mitalit dan birra mii du mielas lea dehálaš. Jesusis ledje ollu ustibat ja olbmot geat dorjo su ja liikojedje sutnje, go son veahkehii gefiid ja buhcciid. Muhtumat eai liikon sutnje, ja riikka jođiheaddjit balle ahte Jesus galggai oažžut menddo stuorra fámu. Sii plánejedje váldit Jesusa giddagassii.

Pálbmasotnabeaivi

Muhtin sotnabeaivvi ovdal beassážiid, dáhtui Jesus iežas máhttájeddjiid vuolgit fárrui Jerusalemii ávvudit beassážiid. Máhttájeaddjit gávdne sutnje ásená mainna Jesus beasai riidet Jerusalemii jođidettiin. Go son joavddai gávpotmuvrra siskkobeallai, de olbmot dearvvahedje ja dustejedje su dego son livččii gonagas. Su čurvo: -Hosianna, Hosianna, min gonagas lea bohtán. Hosianna lea ávvučuorvvas sullii seammá go Hurra. Muhtimat seveve stuorra pálbmalasttaiguin.

Skilleduorastat

Skilleduorastat gohčoduvvo maiddá *“buhtistan duorastahkan”*. Dan áigge go Jesus elii, ledje eanaš olbmui álás juolggit dahje dušše muhtinlágan náhkkebázahusat gápmagiin. Buohkain ledje juolggit hui duolvasat go veiggodii. Dalle fertejedje bures bassat julggiid ovdal go manne tempelii dahje eará dáluide. Dán eahkeda lei Jesus bovdn máhttájeddjiid boradit suinna beassášmállása ovttas. Jesus háliidii bassat máhttájeddjiid julggiid ovdal go manne boradit, danne go son háliidii leat šiega singuin ja maiddá čájehit ahte buohkat galget veahkehit guđet guimmiid.

Sii boradedje ja suohtastalle ovttas. Jesus mitalii ahte dát lea maŋimus geardde sii boradit ovttas. “Dál fargga sii váldet mu gitta ja mun ferten jápmi”, logai son. Jesus diđii maid ahte okta su máhttájeddjiin, Judas ii liikon sutnje nu bures, ja ahte son áiggui diedihit vávtaide gos gávdnet su. Judas háliidii leat albma gonagasa bálvá, muhto Jesus ii lean dakkár dábálaš gonagas gii beroštii ruđas ja fámus. Judas lei danne šiehtadan vávttain ahte son mitala gos Jesus lea, ja son oažžu dan ovddas 30 silbaruđa.

Maŋŋá boradeami, sii manne muhtin gárdimii gos sii rohkadalle lpmilii. Judas beahttalii Jesusa ja mitalii vávtaide ahte son lei gárdimis. Jesus diđii dan birra, ja son jegolaččat čuovvulii vávttaid go dat bohte viežžat su giddagassii.

Guhkesbearjadat

Vávttat dolvo Jesusa jođiheddjiid lusa. Sii dadje ahte Jesus ferte jápmit danne go son gohčoda iežas lpmila bárdnin. Muhto Jesus diđii dán birra. lpmil lei visot plánen. Jesus diđii ahte son fertii jápmit danne go son fertii ránggáštuuvot buot sudduid ovddas maid olbmot ledje suddudan ja ain šadde suddudit. Sii darvvihedje Jesusa spihkáriiguin gitta russii muhtin báikkis mas lea namma Golgata. Doppe Jesus jámii. Dan áigge lei dábalaš dán láhkai goddit olbmuid geat ledje verrošan duođalaččat. Dat lei hui váivi ja stuorra moraš máhttájeddjiide ja buohkaide geat liikojedje Jesusii ja čuvvo su daguid. Muhto sii eai diehtán ahte lpmil lei plánen stuorra suollemasvuoda, ja ahte sii eai dárbbasan moraštit guhkká.

Beassášlávvardat

Okta almmái geas lei namma Josef, liikui Jesusii. Son fálai Jesusii hávdesaji muhtin bákkeloapmái. Dan háliidii son addit skearjkan lpmila bárdnái. Dokko máhttájeaddjit bidje Jesusa rupmaša manjá go lei jápmán. Sii gágge ja hoige vel stuorra lossa geađggi loami ovdii. Vávttat galge geahččat bearrái hávdde vai ii oktage beassan sisa váldit Jesusa rupmaša.

Vuosttaš ja nubbi beassášbeaivi

Sotnabeaivve iđida iđii engel almmis ja jorralii eret geađggi mii lei loami ovddas. Vávttat hirmástuvve ja ballájedje go oidne engela, ja viehkaledje báhtui. Manjelaš bođii Márjá Magdalena gii lei Jesusa ustit. Son imaštii manne geađgi lei sirdojuvvon, ja manai loapmái. Doppe son deaivvai engela gii muitalii: “Jesus ii leat dáppe, son eallá fas!” ” Mana muitalit buot su ustibiidda ahte sii besset oaidnit su fas.” Márjá ii šat moraštan. Jesus ii lean liikká jápmán. Son elii! Son viehkalii muitalit ođđasa buohkaide. Álggus máhttájeaddjit illá jáhkke maid Márjá muitalii. Muhto dat lei áibbas duohta! Jesus bođii dearvvahit sin. Son lei duođaid bajásčuožžilan jápmimis.










